

## Cyngor Sir CEREDIGION County Council

**ADRODDIAD I'R:** Pwyllgor Cydlynu Trosolwg a Chraffu

**DYDDIAD:** 11/09/2023

**LLEOLIAD:** Siambr y Cyngor, Penmorfa

**TEITL:** Cynllun Cydraddoldeb Strategol Drafft Ceredigion 2024-28

**PWRPAS YR ADRODDIAD:** Cyflwyno'r Cynllun Cydraddoldeb drafft a'r adroddiad ymgysylltu cysylltiedig.

**Y RHESWM Y MAE'R  
PWYLLGOR CRAFFU  
WEDI GOFYN AM Y  
WYBODAETH:** Craffu ar y Cynllun Cydraddoldeb Strategol Drafft 2024-28 a sicrhau ei fod yn bodloni gofynion Deddf Cydraddoldeb 2010 a Dyletswydd Cydraddoldeb y Sector Cyhoeddus 2011.

### **CEFNDIR:**

Mae Cyngor Sir Ceredigion yn gorff cyhoeddus penodedig o dan Ddeddf Cydraddoldeb 2010. Mae Dyletswydd Cydraddoldeb Penodol Sector Cyhoeddus Cymru yn ei gwneud yn ofynnol i ni nodi ein Hamcanion Cydraddoldeb ac yna eu hadolygu bob pedair blynedd. Rhaid cyhoeddi'r amcanion diwygiedig ar gyfer 2024-28 a'r cynllun gweithredu cysylltiedig erbyn 31ain Mawrth 2024.

### **SEFYLLFA AR HYN O BRYD:**

Cynhaliwyd ymgyrch ymgysylltu ranbarthol i gasglu adborth cychwynnol ar gyflwr cydraddoldeb yn ardal Dyfed Powys. Cynhaliwyd yr ymgyrch rhwng 22 Mai 2023 a 2 Awst 2023. Mae adroddiad am yr ymgyrch ymgysylltu hon wedi'i atodi fel Atodiad 2.

Mae canfyddiadau'r ymgyrch ymgysylltu wedi'u hystyried, ynghyd â thystiolaeth o ymgynghoriadau a thrafodaethau blaenorol yng nghyfarfodydd Gweithgor Cydraddoldeb Ceredigion. Y canlyniad yw ein Cynllun Cydraddoldeb Strategol drafft 2024-28.

Rydym wedi adolygu ein Hamcanion Cydraddoldeb yn sgil ein hymgysylltu a'n hymchwil. Ein casgliad yw bod ein hamcanion yn dal yn addas i'r diben ond, oherwydd natur newidiol cymdeithas a'r gwaith yr ydym wedi'i wneud hyd yma, mae angen i ni ddiwygio'r camau y byddwn yn eu cymryd i gyflawni'r amcanion. Ein Hamcanion Cydraddoldeb yw:

1. Bod yn Gyflogwr Cyfle Cyfartal Enghreifftiol
2. Meithrin Perthynas Dda a Mynd i'r Afael â Rhagfarn

3. Sicrhau Ymgysylltu a Chyfranogi
4. Sicrhau Urddas, Parch a Mynediad i Wasanaethau
5. Darparu Addysg Deg a Chynhwysol

Unwaith y caiff ei gymeradwyo gan y Cabinet, bydd y cynllun drafft yn destun ymgynghoriad cyhoeddus yn ystod Gaeaf 2023.

Pan ddaw'r ymgynghoriad cyhoeddus i ben a phan fydd unrhyw newidiadau gofynnol wedi'u gwneud, bydd y cynllun terfynol yn cael ei gyflwyno i'r Pwyllgor Cydlynu Trosolwg a Chraffu ar gyfer adborth cyn cael ei gyflwyno i Gabinet Cyngor Ceredigion i'w gymeradwyo ym mis Chwefror 2024.

Mae Cynllun Cydraddoldeb Strategol Drafft 2024-28, sydd wedi'i atodi fel Atodiad 1, i'w gyhoeddi ar ein gwefan erbyn 31<sup>ain</sup> Mawrth 2024.

**LLESIANT  
CENEDLAETHAU'R  
DYFODOL:**

**A oes Aseiad Effaith Integredig Oes  
wedi'i gwblhau? Os nad oes,  
dywedwch pam  
*Crynodeb:***

**Hirdymor:**

Mae hwn yn gynllun pedair blynedd sy'n adeiladu ar gynlluniau blaenorol. Gellir cario materion cydraddoldeb hirsefydlog o un cynllun pedair blynedd i'r nesaf. Mae hyn yn ein galluogi i fynd i'r afael ag anghenion tymor hwy a chynllunio ar gyfer y dyfodol.

**Integreiddio:**

Mae'r gweithgor Cydraddoldeb yn cynnwys cynrychiolwyr o ystod o Wasanaethau'r Cyngor. Mae hyn yn ein helpu i ystyried cyd-ddibyniaethau a thensiynau posibl rhwng gwasanaethau.

**Cydweithio:**

Mae llawer o gyfleoedd i gydweithio ag eraill i gyflawni'r cynllun. Er enghraifft, bydd y cynllun graddedigion newydd yn gofyn am gydweithio â phrifysgolion; byddwn yn gweithio gyda Chymorth i Ddiodefwyr i gyflawni'r Trustmark Troseddau Casineb a byddwn yn gweithio gyda'r tîm Cydlyniant Cymunedol Rhanbarthol ar ystod o gamau gweithredu.

**Cynnwys:**

Cynhaliwyd ymgyrch ymgysylltu ranbarthol i gasglu adborth cychwynnol ar gyflwr cydraddoldeb yn ardal Dyfed Powys. Cyfrannodd yr ymatebion at Ddatblygu'r Cynllun drafft hwn.

Bydd y Cynllun drafft yn destun ymgynghoriad cyhoeddus eto yn ystod gaeaf 2023 cyn iddo gael ei gymeradwyo'n ffurfiol.

Mae'r Cynllun Cydraddoldeb ei hun yn cynnwys camau gweithredu i wneud mwy gyda grwpiau o randdeiliaid o grwpiau lleiafrifol penodol ac i wella'r ffordd yr ydym yn rhoi adborth i'r rheini sydd wedi cymryd rhan yn ein hymgyrchoedd Ymgysylltu ac ymgynghori.

**Atal:**

Mae'r cynllun wedi'i ddatblygu o ganlyniad i'n gwaith ymgysylltu a'n hymchwil i gyflwr presennol cydraddoldeb yng Ngheredigion. Nod y cynllun yw cydlynu ein hadnoddau i nodi achosion sylfaenol anghydraddoldeb a mynd i'r afael â nhw.

**ARGYMHELLION:**

Cymeradwyo Cynllun Cydraddoldeb Strategol Drafft 2024-28 cyn iddo fynd allan i ymgynghoriad cyhoeddus yn ystod gaeaf 2023. Gwneud argymhellion fel y bo'n briodol pan gyflwynir yr adroddiad i'r Cabinet ar 3<sup>ydd</sup> Hydref 2023.

**RHESWM DROS YR ARGYMHELLION:**

Bydd y Cynllun Cydraddoldeb Strategol Drafft 2024-28 arfaethedig yn datblygu nod y Cyngor o fynd i'r afael ag anghydraddoldeb, cael gwared â gwahaniaethu, aflonyddu ac erledigaeth anghyfreithlon a meithrin cysylltiadau da rhwng pobl sy'n rhannu nodwedd warchoddedig a'r rheini nad ydynt yng Ngheredigion.

**Enw Cyswllt:** Cathryn Morgan  
**Swydd:** Rheolwr Cydraddoldeb a Chynhwysiant  
**Dyddiad yr Adroddiad:** 21/08/2023  
**Acronymau:**

